

## **UGOVOR O KORIŠTENJU GPS TRACKER USLUGE SATELITSKOG PRAĆENJA VOZILA**

Zaključen dana 04.06.2018. godine između ugovornih strana:

1. IMPERIUM d.o.o. Tuzla, ID Broj: 4209690670004, PDV Broj: 209690670004, Ul. Zmaja od Bosne 26, 75000 Tuzla, Bosna i Hercegovina, kojeg zastupa direktor Ibrahim Šehanović (u daljem tekstu Pružaoc)
2. SARAJEVO-GAS d.o.o. Sarajevo, ID Broj: 4200158020002, PDV Broj:200158020002, Trg Fadile Odžaković -Žute br. 4, 71000 Sarajevo, Bosna i Hercegovina, kojeg zastupa direktor Nihada Glamoč (u daljem tekstu Korisnik)

### **Predmet Ugovora**

#### **Član 1**

1.1 Pružaoc daje na korištenje Korisniku GPS Tracker sistem za satelitsko praćenje vozila

### **Uslovi plaćanja i cijena GPS Tracker usluge**

#### **Član 2**

- 2.1 Pružaoc se obavezuje da će za mjesečno korištenje GPS Tracker usluge Korisniku ispostaviti jedan zajednički račun za sve elemente pružene usluge.
- 2.2 Korisnik se obavezuje da će uredno izmirivati obaveze po ispostavljenim računima u maksimalnom roku od 15 dana nakon ispostavljanja računa.
- 2.3 U slučaju suspenzije usluge u skladu sa Članom 7 tačkom 7.3 Korisnik će snositi troškove ponovnog uključanja usluge u iznosu od 10% od ukupnog iznosa mjesečne naknade za pružanje usluge.

2.4 U slučaju da Korisnik zahtjeva preseljenje uređaja, Korisnik će snositi troškove u iznosu od 30,00 KM po vozilu za ponovnu ugradnju uređaja.

2.5 Korisnik usluge se obavezuje platiti GPS Tracker uslugu po cijeni od 10,00 KM mjesečno za svako vozilo koje je dio pružene usluge, odnosno 480,00 KM za ukupan broj vozila.

2.6 U slučaju da Korisnik usluge prekorači GPRS troškove od strane telekom provajdera koji su već uključeni u uslugu, specificirani Članom 2 tačkom 2.6, iste je dužan izmiriti po utrošku za svako vozilo. Troškovi se odnose na uslugu roaminga kada je vozilo izvan teritorije Bosne i Hercegovine.

2.7 Na cijene GPS Tracker usluge se dodatno obračunavaju svi pripadajući porezi.

### **Vrijeme važenje Ugovora**

#### **Član 3**

3.1 Ugovor se zaključuje sa rokom važenja na dvanaest (12) mjeseci.

3.2 Ugovor stupa na snagu danom potpisivanja obje ugovorene strane, a primjenjivaće se počev od dana kompletirane ugradnje uređaja u vozila.

3.3 Po isteku roka važenja ugovora, ukoliko ni jedna od ugovornih strana ne izvrši raskid Ugovora, isti se automatski produžava za naredni period sa rokom važenja od dvanaest (12) mjeseci i tako do raskida ugovora.

3.4 U slučaju raskida Ugovora, Korisnik usluge je obavezan platiti sve neizmirene obaveze nastale korištenjem usluge do dana raskida Ugovora.

### **Uspostavljanj i korištenje GPS Tracker usluge**

#### **Član 4**

4.1 GPS Tracker usluga će se koristiti putem Internet adrese <http://gps.seccom.ba/>

4.2 Korisnik je dužan obezbijediti pristup Internetu o svom trošku.

4.3 Pružaoc GPS Tracker usluge se obavezuje kreirati i dostaviti pristupne informacije za sistem Korisniku.

4.4 Svi zahtjevi za tehničku podršku Pružaocu, Korisnik će obavljati isključivo putem email-a : [Nedim.Sehic@imperium.ba](mailto:Nedim.Sehic@imperium.ba) ili na telefon 035/364 085.

4.5 Korisnik se obavezuje da sve elemente GPS Tracker usluge koristi isključivo u svoje potrebe i ne može ustupiti niti dozvoliti trećim licima da se koriste GPS Tracker sistemom.

- 4.6 Pružaoc ima pravo da vrši kontrolu ispravnosti uređaja za satelitsko praćenje kao i prateće opreme kod Korisnika, koje Pružaoc obezbeđuje u okviru GPS Tracker usluge pri čemu je Korisnik obavezan da stručnom osoblju Pružaoca obezbijedi pristup uređajima i uvid u potrebnu tehničku dokumentaciju vezanu za Uslugu.
- 4.7 Pružaoc usluge se obavezuje na tajnost podataka u sistemu i pruža iste samo autorizovanim korisnicima sistema od strane korisnika. Odgovornost za lozinke i pristup informacijama putem sistema je isključivo na strani Korisnika usluge. Pružaoc usluge ne snosi nikakvu odgovornost za dostavljene informacije koje se nalaze u sistemu a do kojih se došlo putem nesavjesnog korištenja i pružanja pristupa sistemu od strane Korisnika.

#### **Ugradnja, nabavka i servis opreme potrebne za korištenje usluge**

##### **Član 5**

- 5.1 Pružaoc se obavezuje na jednu (1) besplatnu obuku korištenja sistema Korisniku.
- 5.2 Rok izlaska na teren za obuku Korisnika od strane Pružaoca je jedan (1) radni dan nakon završenih radova.
- 5.3 Ukoliko Korisnik želi više od jedne posjete za tehničku obuku korištenja sistema, svaka dodatna obuka se naplaćuje po cijeni od 100 KM i takođe podliježe dodatnim troškovima izlaska na teren kao što su transportni troškovi, dnevnice kao i troškovi prebivanja na određenoj lokaciji Korisnika.
- 5.4 — Prestanak rada uređaja uzrokovan pristupom neovlaštenih lica podliježe dodatnom trošku od strane Korisnika i naplaćuje se KM 100 po izlasku na teren.
- 5.5 Garancija na GPS uređaje je 12 mjeseci od ugradnje uređaja na vozila.
- 5.6 Rok zamjene uređaja u garantnom roku od strane Pružaoca je jedan (1) radni dan
- 5.7 Pružaoc usluge se obavezuje da će izaći na teren i otkloniti kvar u roku od 24 sata po prijemu prijave o kvaru na sistemu GPS tracker. Ukoliko je kvar u garantnom roku Pružaoc usluge će o svom trošku popraviti kvar a po isteku garantnog roka izlazak na teren se naplaćuje 30 KM. Na ove cijene se dodaje pripadajući PDV.

#### **Prekid u komunikaciji i nedostupnost usluge**

##### **Član 6**

- 6.1 U slučaju da Korisnik uslijed smetnji ili kvara na uređajima kupljenih od Pružaoca a koji su u garantnom roku nije mogao da koristi uslugu u neprekidnom periodu od tri (3) sata, Korisniku će se izvršiti umanjeње iznosa koji fiksno mjesečno plaća za uslugu, pod uslovom da je prijavio nadležnoj službi Pružioca nastalnu neispravnost, kao i da je ta služba utvrdila neispravnost i njeno trajanje. Mjesečna naknada se umanjuje za onoliko sati koliko je prekid trajao uzimajući da obračun za mjesec dana sadrži 720 sati.

- 6.2 Pružaoc ne snosi odgovornost za prekide nastale uslijed djelovanja više sile i takvi prekidi se ne smatraju prekidima iz Člana 6 tačke 6.1
- 6.3 Pružaoc takođe ne snosi odgovornost za prekide nastale uslijed prekida u usluzi pružanja usluga komunikacija od strane trećih lica kao što su telekom operateri. Prekidi uzrokovani od strane trećih lica se ne smatraju prekidima iz Člana 6 tačke 6.1
- 6.4 Pružaoc usluge se obavezuje da najmanje tri (3) dana unaprijed obavijesti Korisnika o terminima kada će se vršiti radovi na infrastrukturi zbog čega usluga u tom periodu neće biti raspoloživa. Ukoliko ovi radovi budu trajali više od tri (3) sata neprekidno, smatraju se prekidima iz člana 6.1

## Opšte odredbe

### Član 7

- 7.1 Komunikacija ili obavještenje ugovorenih strana o svim pitanjima bitnim za sprovođenje ovog Ugovora vršiće se isključivo u pismenoj formi sa kojom se izjednačuje i slanje obavještenja putem elektronske pošte.
- 7.2 Sve eventualne sporove oko realizacije ovog Ugovora, ugovorene strane rješavaće sporazumno a u slučaju spora nadležan je Opštinski sud u Tuzli.
- 7.3 Svaka ugovorna strana ima pravo da raskine ovaj Ugovor s tim da je u obavezi najmanje 3 mjeseca unaprijed pismeno o tome obavijestiti drugu stranu.

Osim u slučajevima i na način predviđen zakonom Pružaoc ima pravo da ovaj Ugovor jednostrano raskine u slijedećim slučajevima i na slijedeći način:

- U slučaju da Korisnik usluge ne uplati fakturisani mjesečni iznos u roku od petnaest (15) dana nakon isteka roka za plaćanje Pružaoc usluge ima pravo da uz obavještenje suspenduje do izmirenja obaveza dalje korištenje usluge od strane Korisnika usluge ili da, po svom izboru, jednostrano pismenim obavještenjem raskine Ugovor.
- U slučaju da Korisnik prekrši odredbe iz Člana 4 tačke 4.5 Ugovora, Pružaoc ima pravo na suspenziju ili raskid Ugovora bez prethodnog upozorenja.

7.4 Ugovor je sačinjen u četiri (4) istovjetna primjerka od kojih po dva (2) primjerka pripadaju svakoj ugovornoj strani.

Pružalac usluge

  
Ibrahim Šehanović  
Direktor  
IMPERIUM d.o.o. Tuzla



  
Korisnik usluge  
Mr. Sc. Nihada Glamoč dip. Ing.  
mašinstva  
Direktor  
SARAJEVO-GAS d.o.o. Sarajevo



bs. 155/18  
19-06-2018

